

սեւ. նոյնպէս թարսիք, թէնճէրայք եւ այլ ա-  
նօթքն շանց եւ խողից լիզելիք: Եւ զայս ա-  
մենայն տեսեալ իմ՝ զարշեցայ յոյժ մինչեւ  
փախեայ. եւ ուխտեցի չուտել ինչ ի ձեռաց  
95 նոցա:

## ԶՈՒՐ ՔԱՂԱՔԻՆ

Եւ օր մի զնացաք ի ժողովակետղ ջուրց,  
որ ի հորս, փողոցս եւ ի ձորս թողուն, յոր-  
ժամ նեղոս զեան արձակի. եւ հայեցեալ ի  
լիճ մի, յորմէ սախիքն ջուրս կրէին, ոմանք  
100 իչով, այլք ուսովք. եւ էր ջուրն պղտոր եւ նէ-  
փաք: Հարցի թէ Վասն է՞ր. եւ ասին.  
Վասն այն զի ամէն տնէ ջրգնացքն եւ աղբքն  
աստ իջնուն: Եւ տղայքն անդ լողանին. այլ  
եւ ինքեանք փնտի արպնին եւ կանայք նոցա  
105 անդ լրացվին. եւ լուացքն լուանան: Եւ ասին  
թէ Դեռ ջուրն այժմ առատ է, լաւ է. ապա  
երբ նուազի եւ ցամքի՝ այն ժամ սկսանի հո-  
տիլ. տեսցես թէ ինչե՞ր կ'ելնէ ջրոյն, սատ-  
կած շներ, մարզիկ: Եւ ես ասեմ. Ապա ուստի՞  
110 ըմպեն. եւ ասեն, թէ Պուլտուխէն, ուղտիւք  
Պուլաքէն. եւ ես միշտ Պուլաքէն բերել տայի,  
զի մերձ էր:

Եւ հրաշ մի այլ պատմեմ ձեզ. զի այն  
պղտոր ջուրն բերեալ լնուն ի մեծամեծ գուրս  
115 եւ ի կարասս. եւ լեզի նշով եւ խայսի կորի-  
զով շուրթն եւ բոլորն<sup>5</sup>. իսկոյն յըստակի եւ

93 զարշեցա: — 100 յիչով: — 103 լոբանին:  
— 109 մարդիք: — 114 գուփս:

<sup>5</sup> Պէտք է լրացնել՝ օձանեն: